

鶴節

湯氏云小兒鶴節由稟賦不足血氣不榮肌肉瘦瘠則骨節皆露如鶴之足皆腎虛不生骨髓之故治法宜錢氏地黃丸加鹿茸牛膝

地黃丸 治頭顙不合體瘦骨露有如鶴膝皆腎虛

不足并治腎疝天柱傾倒腎主骨也

熟地黃

洗焙
捌錢

澤瀉

洗貳
錢

牡丹皮

去心

白茯苓

各叁
錢

山茱萸肉

牛膝

鹿茸

酥炙

山藥

各肆
錢

爲末蜜丸梧子大三歲已下三二丸溫水空心化

下

丁奚

疳脹異名

巢氏云小兒丁奚病者由哺食過度而脾胃尚弱不能磨消故也哺食不消則水穀之精減損無以榮其氣血致肌肉消瘠其病腹大頸小黃瘦是也若久不差則變成穀癥傷飽哺露病一名丁奚三種大體相似輕重立名也 眞珠囊凡小兒或因吐而瀉久不差或病退不能行膝大腸紅號曰丁奚七歲已下號鼓椎風十五已下名鶴膝風蓋此並是風冷傷於腎所致腎主骨故也 莊氏疳脹丁奚辨證云小兒腹

大如有青筋見卽曰疳脹也如無青筋乃名丁奚是
因過飽傷食而得之 曾丁奚者亦久積成疳之證

皆因飲食過傷於脾胃脾胃虛不能磨化飲食飲食

漸減無以生其氣血面色慘潮熱往來腹大而多

青筋手足如筒顙顙開解頸項小而身黃瘦先投萬

應丸 通治五疳 次參苓白朮散 不乳食 早晨一服與養胃氣

及醍醐散進食食後下烏犀丸 積 三粒至五粒助脾

化食此卽用迎奪之法間投醒脾散 慢驚 沉香檳榔

朮香莪朮丸 宿食 次第調理有渴瀉腹痛千金膏

白好若脾氣稍和飲食漸進再以化癖丸 積 快活丸

常服或用烏犀丸略下二三行勻氣散痼止補有寒

熱往來柴胡飲痼熱主之腹脹投南星腹皮散水腫

有餘熱麥芽柳枝煎湯調三解散潮熱有蟲下史君

子丸腹痛斯疾得之非一朝一夕然施治之法亦須

漸漸令其平復欲求速効則難矣凡雞酒羊麪魚鮓

甘甜生冷毒物宜忌之

十全丹 治丁奚哺露神効

檳榔 枳殼麩炒

青皮

陳皮 三稜炒

蓬朮炒

砂仁各半兩

丁香

朮香各壹分

香附 壹兩

右爲末神麴糊丸如黍米大空心食前米飲下百
丸一方去香附砂仁丁香三稜枳殼加五靈脂
寇史君子蘆薈蝦蟇川芎

醅酬散 治吐瀉後調和脾胃消進飲食及丁奚嘔

露虛熱煩渴氣逆心惡

陳皮 去白

縮砂仁

厚朴 去麁皮剉碎薑汁浸

一宿慢火焙乾

麥芽 洗淨焙乾

烏梅 和核各

良薑 剉東壁土炒

乾葛

烏藥 各貳錢半

草菓仁 炮貳錢

甘草 炙參錢

右碎每服二錢水一盞薑二片棗一枚鹽少許煎七分空心溫服

快活丸 治丁奚疳證皮膚瘦削骨露如柴肚大青

筋小便白濁睡卧煩躁神氣昏沉常服健脾化積進食肥肌

蒸餅

壹兩去頂剝空入青礬半錢重仍以碎餅屑緊塞上用水紙封定灰火中炮透取出

候冷用之

右件剝焙爲末別以肥棗用米泔水浸經一宿飯

上蒸少時去皮核用乳鉢爛杵如糊同前餅末亭

分再杵勻丸麻仁大每服三十丸至五十丸溫米

清湯無時送下兒小者亦以米湯化服其蒸餅不
拘箇數大約以壹兩入青礬半錢重爲定下常如
前法製半斤作一料後人切勿以見方不重藥爲
誤余嘗屢試屢驗其餅如南饅頭樣者是也

聖惠赤芍藥丸 治小兒丁奚雖食不生肌肉腹大

食不消化

赤芍藥

川大黃 微炒

鼈甲 醋塗炙令黃去裙襴

各叁分

桂心

赤茯苓

柴胡 去苗各

右件藥搗羅爲末鍊蜜和丸如麻子大每服煎蜜

湯下五丸日三服

嬰孺芍藥丸 治小兒百病有寒熱大腹食不消化

不生肌肉痿痺

芍藥

茯苓

大黃

各伍分

柴胡

肆分

鼈甲

炙 叁分

桂心

貳分

人參

壹分 方貳分

右爲末蜜丸三歲已下服三小豆大不知加之七

八歲三桐子大不知加之苦腹堅大者加鼈甲壹

分渴者加蓀貳分病甚者服二十日効已試大

良一方有杏仁貳兩人參叁分

張渙大麝香丹 治小兒羸瘦腹大見青筋及丁奚

等病

麝香

研

朱砂

細研 水飛

粉霜

研各 半兩

五靈脂

肉豆蔻仁

乾蟾

塗酥炙 各壹兩

夜明砂

白礬灰

各半 兩

乾地龍

炒壹 分

乾蜚蜋

米箇去翅 炙令黃熟

右件搗羅爲末與朱砂等同研勻細煉蜜和如黍米大每服三粒至五粒溫水下量兒大小加減服之

初虞世治小兒腹如蜘蛛四肢瘦者用黑骨雞子破

頂入蜘蛛壹枚於內以濕紙糊竅用文武火煨熟
去蜘蛛食其雞子累効必數枚方愈

肘後方搗生薤根以豬脂煎稍稍服 或熟炙鼠肉
哺之亦治哺露

哺露

湯哺露者因乳哺不消脾胃衰弱漸不能食血氣減損肌肉不榮柴骨羸露吸吸苦熱謂之哺露也宜麝香進食丸

方見積癖

曾哺露者亦由乳哺不節損於脾胃脾胃損而飲食減形容羸瘦則藏府之氣不能宣通時有熱謂之哺露此候與丁奚相去不遠但食多吐逆藏氣虛冷而泄瀉無度糞中有蟲治法同前丁奚證藥惟加養藏湯服之

方見赤白痢

聖惠人參丸 治小兒哺露失衣當風濕冷水浴苦

腹大時痢或寒熱如瘧不欲食縱食不生肌肉或

不消化四肢羸瘦

人參

麥門冬

去心焙

半夏

湯洗七遍去滑

黃耆

川大黃

微炒

白茯苓

柴胡

黃芩

各參分

訶梨勒

煨用皮

甘草

炙微赤剉

鼈甲

塗醋炙令黃去裙襴各壹兩

芎藭

牛兩

右件藥搗羅爲末鍊蜜丸如麻子大一二歲兒以
粥飲下三丸四五歲五丸日三服量大小加減

宿食

食積寒熱 痢

傷寒論人病有宿食何以別之師曰寸口脉浮而大按之反澀故知有宿食當下之宜大承氣湯傷寒然同一發熱而傷食者惟肚腹之熱爲甚且糞極酸臭夜間潮熱尤傷積之明驗也小兒宿食不消者胃納水穀而脾化之兒幼不知搏節胃之所納脾氣不足以及勝之故不消也神麴麥芽之屬皆腐化之物昔賢已謂能傷胃中生發之氣矣况進而三稜莪朮乎况又進而牽牛大黃巴豆乎脾氣一受傷於食再受

傷於藥至於下之而氣已一脫矣所存幾何故夫尅食之藥不可多用下積之藥尤不可不審其證之可下與不得不下而後用也 錢氏論食不消脾胃冷

故不能消化當補脾益黃散主之

保和丸

治飲食停滯胸膈痞滿噯氣吞酸或吐瀉

腹痛

加白朮壹兩即大安丸

神麴

炒

山查

半夏

茯苓

各壹兩

陳皮

連翹

蘿蔔子

炒伍錢

右爲末粥丸桐子大每服三十九白湯送下

愚按前方行氣尅滯之劑若元氣無虧暴停乳食而致斯證者宜用此消導之若元氣虛弱而乳食所傷者必調補胃氣爲主而佐以消導若乳食已消而作嘔者乃胃氣被傷當用異功散補之不宜仍用前藥重損胃氣治者審之

木香大安丸

木香

貳錢

黃連

陳皮

白朮

各叁錢

枳實

山查肉

萊菔子

炒

連翹

神麴

炒

麥蘖

炒

砂仁

各壹錢半